

whakamaori maku mehemea e taea e au. Taku kitenga iho ka ki atu au, e hara i te reta o Ihipa tenei he nukarau tenei a koe, e hoa,—Ki mai ana, kao, he mea tuhituhi mai ena reta i tetahi pukapuka koura i keria i te whenua e tetahi tamaiti me nga mowhiti hei tirobanga iho e mohiotia ai nga korero i keria mai hoki i te whenua. Ki atu ana ahau he nukarau i a koe e hoa, Haere atu ana te tangata ra.

He Kupu whakatupato tenei, e te iwi, koi whakawahi koutou e te tinihanga a te tangata. Kia mohio, e kore ano e ngaro, te mea tapiri mai a te hianga o te tangata o te rewera. Nawai oti tenei, kia huna ta te ringa o te Atua i tuhi ai—I huna koia nga Tepara Kohatu e rua e Mohi? kao, i homai ki te araro o te iwi takoto ai. A heaha ra ia i huna ai te Paipera Momona e Hohepa Mete?—kotahi ano te utu atu mo tera patai, ara, he wehi nona kei hohoro te kitea tana mahi tito.

Nawai ia te ki me moe puku e te tangata te wahine a tona hoa? Na te ngakau puremu ra tenei o nga tauaki o te Hahi Momona—(Kei nga tuhituhi a Te Poete me etahi atu nga kupu mo tenei mahi a te Momona). Kia tupato e nga iwi Maori katoa o Niu Tirani kei mau koutou i tenei hara nui e akona mai nei e te Momona, ara, te puremu. (Kaore ano pea tenci i akona ki nga Maori erangi kei roto i nga pukapuka pakeha nga kupu whakatika—Na te Etita).

Otiia e koro ano e ngaro te tito me te horihori ahakoa i matapura te tangata, ma te kupu a te Atua e tawari nga mahi teka katoa. Inahoki te kupu mo enei hangarau a te tangata, ara, te kanga a Te Rungarawa—Kei a Mohi. “A ki te puremu tetahi tangata ki te wahine a te tangata, me whakamate rawa te kai puremu ki te wahine a tona hoa, te kai puremu rawa ko te wahine i puremutia.” (Hewitikuha 20, 10.) Kei a Paora Apotoro hoki. “Ahakoa ko matou, ko tetahi anahera ranei o te rangi, ki te kawhau i te rongo pai ki a koutou a ka puta ke i ta matou i kawhau ai ki a koutou, kia kanga ia. . . ki te puta ke te kawhau a tetahi ki a koutou i tera kua riro i a koutou, kia kanga.” (Karaiti i., 8-9.)

E pa ma e, akuanei rite ai pea te Maori ki te hunga o Atene i ki ra a Paora. “Heoi hoki ta nga tangata katoa o Atene. . . ko te korero ko te whakarongo ranei i tetahi mea hou.” (Nga Mahi 17-21.)

Kaore, e kore, me whai i ta Paora ki te Hahi o Epeha. “Kia mutu to tatou tamarikitanga, kei akina kei kahukihakina e nga hau kutoa o te whakuako, he maminga na te

tangata, he tinihanga e mahia ai te whakapohehe.” (Epeha 4. 14.)

Kia mau, e te iwi katoa katoa, ki nga Karaipiture, ki nga Karaipiture anake.

TAMATI S. KEREHU,

Ahirikona,

Wairau.

HE WAIATA PEEHI WAIPIRO.

(TE RANGI: So Early in the Morning.)

Na Te Wiremu Erneti, Kai-whakawa, o Akarana i whaka-maori.

(1)	(5)
Mihi ake nei ahau	Tona mate nui he pia,
Ko te tahae nukarau,	A pa no kia ringihia,
E ki nei mo tana kai	Kia purena tonu mai,
Nei ano te taonga pai	Kia hurori ia, ka pai.

Korihii.

CHORUS.

Nei tonu ra te ahua	(6)	Ara ia i ata kai,
Nei tonu ra te ahua		Tu, ka riri, ka whawhai;
Nei tonu ra te ahua		Moto atu ki nga hoa,
O tenci mahi he.		Kanga iho te katoa.

Korihii.

(2)	(7)
Taonga ahuaeka ia,	Tana whanau tangi mai,
E ai tana ko te pia,	Mate i te hemo kai,
Wai hei tino whakakoa	Ana rawa, haere kau,
E ngahau ai te katoa.	Nana noa i whakapanu.

Korihii.

Korihii.

(3)	(8)
Hua noa ia ki tana kai	Kahu taretare noa,
Nei ano te tonga pai,	Rawakore tona hoa,
Te whakaro nei te poa	Paparinga whero mai
Taki mate mo katoa.	Nei nga hua o tana kai.

Korihii.

Korihii.

(4)	(9)
Tini moni ngaro noa	Hore ona whakama
Na te kai nei ia i poa,	Ki te inu kia na,
Tini taonga mea papai	Takaakeke noa
Haere kau mo tenei wai.	Ko te paru tona hoa

Korihii.

Korihii.

TE MATENGA O PIHOPA HEREWINI (TAMAITI.)

No te 15th o Pepuere ka patua mai te waea i Ingarani kua mate a Pihopa Hoani Herewini, te Pihopa i mua ake nei o nga montere, ara, o Meranihia. Ko te tamaiti tenei a Pihopa Hori Herewini Pihopa o Niu Tireniti katoa. Kei te mahara ano etahi o nga Maori kua kaumatuaia nei ki a ia, i te wa i kura tahi ai ratou i te kareti a te Pihopa i Akarana. I whakapangia mai ia hei minita i Ingarani i te tau 1870.

No te tau 1875 ka heke mai ia ki Meranihia hei minita mo o tatou whanaunga e